

Broj: UPI/03-23-2-326/12 AK  
Sarajevo, 05.11.2012.godine

Federalno ministarstvo prostornog uređenja rješavajući po zahtjevu "Instituta za zaštitu, ekologiju i obrazovanje" d.d. Tuzla, za izdavanje ovlaštenja za obavljanje djelatnosti projektiranja zaštite od požara kao sastavnog dijela glavnog projekta, a na osnovu člana 30. stav 5. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09 i 75/09), člana 200. Zakona o upravnom postupku („Službene novine Federacije BiH“, br. 2/98 i 48/99) i prijedloga Stručnog odbora broj: UPI/03-23-2-326/12 od 01.11.2012. godine, d o n o s i

### R J E Š E N J E

1. UTVRĐUJE SE da, "Institut za zaštitu, ekologiju i obrazovanje" d.d. Tuzla, sa sjedištem u Tuzli u ulici Bosne Srebrene br. 127, ispunjava uslove za obavljanje djelatnosti projektiranja zaštite od požara kao sastavnog dijela glavnog projekta, za građevine i zahvate iz nadležnosti Federalnog ministarstva prostornog uređenja.
2. Projektant iz tačke 1) ovoga rješenja dužan je podnijeti zahtjev za izdavanje klauzule pravosnažnosti 30 dana nakon prijema rješenja radi izdavanja ovlaštenja.
3. Projektant iz tačke 1) ovoga rješenja dužan je u roku od 15 dana od dana nastale bilo kakve promjene zatražiti izmjenu ovlaštenja ako su se naknadno promijenili podaci na osnovu kojih je ovlaštenje dato, odnosno ukoliko projektant više ne ispunjava uslove propisane Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09 i 75/09) za obavljanje poslova projektovanja za koje je ovlaštenje dobio.

### O b r a z l o ž e n j e

"Institut za zaštitu, ekologiju i obrazovanje" d.d. Tuzla, dana 23.10.2012. godine, podnio je zahtjev za izdavanje ovlaštenja za obavljanje djelatnosti projektiranja zaštite od požara.

Uz zahtjev je dostavljena sljedeća dokumentacija:

- 1) ovjerena kopija aktuelnog izvoda iz sudskog registra,
- 2) ovjerena kopija rješenja o izmjenama podataka,
- 3) ovjerena kopija rješenja o registraciji,
- 4) ovjerena kopija uvjerenja o poreznoj registraciji,
- 5) ovjerena kopija obavještenja o razvrstavanju pravnog lica prema djelatnosti,
- 6) referenc lista firme,
- 7) spisak tehničke opreme,
- 8) ovjerena kopija liste osiguranih lica za obveznika,
- 9) akt nadležnog organa o ispunjavanju uslova u pogledu tehničke opremljenosti i osiguranja poslovnog prostora,
- 10) tabelarni prikaz uposlenika,
- 11) dokaz o stručnoj osposobljenosti za projektante (ovjerena kopija diplome, ovjerena kopija uvjerenja o položenom stručnom ispitu, potvrda o radnom odnosu i stažu i radna biografija sa

- popisom poslova), za: Pušonjić Vensana dipl. inž. el., Pepić Emira dipl. inž. maš., Kurtović - Kasumović Hatemu dipl. inž. zaštite na radu i životne okoline, dr. sci. Dozić Abdela dipl. inž. teh. i Mujić Dževada dipl. inž. el.,
- 12) za Nakičević Semira dipl. inž. građ. dostavljena: ovjerena kopija diplome, ovjerena kopija uvjerenja o položenom stručnom ispitu, potvrda o radnom odnosu i stažu i radna biografija sa popisom poslova,
- 13) administrativnu taksu u iznosu od 7,00 KM.

Članom 30. stav 5. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09 i 75/09) propisano je da Federalno ministarstvo prostornog uređenja, na prijedlog Stručnog odbora donosi rješenje o ispunjavanju uslova za projektovanje građevina ili pojedinih dijelova građevine bez kojeg projektant ne može otpočeti obavljanje djelatnosti za koju je registrovan.

Pomenuti zahtjev razmatran je na 99 sjednici Stručnog odbora dana 01.11.2012. godine.

Uvidom u zahtjev i priloženu dokumentaciju, Stručni odbor je utvrdio da je podnosilac zahtjeva priložio svu potrebnu dokumentaciju propisanu čl. 27. i 28. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09 i 75/09) i predložio Federalnom ministarstvu prostornog uređenja da izda rješenje o ispunjavanju uslova za obavljanje djelatnosti projektiranja zaštite od požara kao sastavnog dijela glavnog projekta, za građevine i zahvate iz nadležnosti Federalnog ministarstva prostornog uređenja.

Slijedom naprijed navedenog, odlučeno je kao u tački 1. dispozitiva rješenja.

Članom 32. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 48/09 i 75/09) propisano je da Federalni ministar prostornog uređenja posebnim aktom utvrđuje visinu troškova postupka izdavanja, odnosno produženja, izmjene i/ili dopune rješenja o ispunjavanju uslova za obavljanje poslova projektovanja, kao i za rad članova Stručnog odbora i tehničkog lica odbora i da troškove postupka snosi podnosilac zahtjeva.

Rješenjem Federalnog ministarstva prostornog uređenja broj: 03-05-1739/09 od 01.12.2009. godine utvrđena je visina troškova postupka izdavanja, odnosno produženja, izmjene i/ili dopune rješenja o ispunjavanju uslova za obavljanje poslova projektovanja i izvođenja radova, kao i za rad članova Stručnog odbora i tehničkog lica odbora u iznosu od 3.000,00 (trihiljade) KM pojedinačno za svaku oblast ovlaštenja iz zahtjeva podnosioca, te je slijedom toga podnosilac zahtjeva dostavio dokaz o izvršenoj uplati naknade na ime troškova postupka.

Iz svega gore navedenog, odlučeno je kao u dispozitivu ovog rješenja.

Pouka o pravnom lijeku: Ovo rješenje je konačno i protiv njega se ne može izjaviti žalba, ali se može pokrenuti upravni spor kod Kantonalnog suda u Sarajevu, u roku od 30 dana od dana prijema istog.

P.O. VLADE FEDERACIJE BIH  
SEKRETAR MINISTARSTVA

mr. sci. Adnan Efendić

Dostaviti:

1. Naslovu,
2. Federalna uprava za inspekcijske poslove,
3. Evidenciji,
4. a./a.